



Broj protokola:0201-582/19  
Sarajevo, 22.05.2019.godine.

Na temelju člana 40 Statuta JU "Zavod za bolesti ovisnosti" Kantona Sarajevo sazivam

## 27. SJEDNICU NADZORNOG ODBORA

i predlažem slijedeći

### DNEVNI RED

1. Usvajanje Zapisnika sa 26. sjednice;
2. Izvještaj o finansijskom poslovanju za period od I-III/2019 godine;
3. Razno;

Sjednica će se održati **23.05.2019. godine (četvrtak)**, sa početkom u **15:45h**, III sprat – biblioteka, ul. Nahorevska 173, 71000 Sarajevo.

Ukoliko niste u mogućnosti prisustvovati sjednici molim Vas da me blagovremeno obavijestite na tel – fax : 257 750 ili e-mail: [zalcnarc@bih.net.ba](mailto:zalcnarc@bih.net.ba)

**Predsjednik Nadzornog odbora**  
**Salih Berbić, dipl.krim**

#### Dostavljeno:

1. Elma Tuzlić, član
2. Eldina Saračević, član
3. Doc.dr sci med. Nermana Mehić Basara, direktorica Zavoda
4. Ismić Himzo, me.oecc., šef Službe općih poslova
5. a/a Nadzornog odbora
6. a/a Zavoda



Broj protokola:0201-595/19  
Sarajevo, 23.05.2019.

## ZAPISNIK

Sa 27. sjednice Nadzornog odbora JU "Zavod za bolesti ovisnosti " Kantona Sarajevo (u daljem tekstu N.O. i Zavod) održane 23.05.2019 godine (četvrtak) u sali biblioteke Zavoda, sa početkom u 15,45 sati.

### PRISUTNI:

- Salih Berbić, dipl.krim.predsjednik
- Eldina Saračević, med.sestra
- Elma Tuzlić, dipl.ecc
- Doc.dr sci med. Nermana Mehić Basara, direktorica Zavoda
- Ismić Himzo mr. ekonomije, šef Službe općih poslova
- Samira Durak, bclr. komunik., sekretar N.O.

Predsjednik gosp. Berbić je, pozdravio prisutne, otvorio sjednicu, te predložio slijedeći

### DNEVNI RED

1. Usvajanje Zapisnika sa 26. sjednice;
2. Izvještaj o finansijskom poslovanju za period od I-III/2019 godine;
3. Razno;

Na Dnevni red nije bilo primjedbi i isti je jednoglasno usvojen.

#### 1.

**Predsjednik Nadzornog odbora gosp. Berbić** je konstatovao da su svi članovi N.O. dobili Zapisnik sa 26. sjednice i pitao da li neko ima primjedbi na Zapisnik. S obzirom da na Zapisnik nije bilo primjedbi, isti je jednoglasno usvojen.

#### 2.

**Predsjednik N.O. gosp. Berbić** je konstatovao da je Nadzornom odboru dostavljen Izvještaj o finansijskom poslovanju za period I-III 2019. godine, te je dao riječ gosp. Ismić Himzi da prezentira isti.

**Ismić Himzo mr.ecc.** je izvijestio N.O. da je Izvještaj o poslovanju za period 01.01.-31.03.2019.godine urađen na osnovu periodičnog obračuna koji je u skladu sa Zakonom o računovodstvu, međunarodnim računovodstvenim načelima, standardima i kodeksima kao i Metodologijom izrade godišnjih izvještaja.

U navedenom periodu ostvareni su prihodi u iznosu od 694.783,00KM i veći su za 14% u odnosu na isti period 2018. godine.

Ostvareni su rashodi u iznosu od 693.342,00KM i veći su za 14% u odnosu na isti period 2018. godine.

Nenaplaćenih potraživanja nema kao što je bilo u istom periodu prethodne godine.

Ostvarena je dobit od 1.441,00KM.

Bruto plaće i naknade su iznosile 318.936,00KM i veće su za 15% u odnosu na isti period prethodne godine.

**Direktorica Zavoda Doc.dr sci med. Nermana Mehić Basara** je istakla da je iz izvještaja koji je prikazan na OZU obrascima vidljivo da je Zavod u navedenom periodu poslovao pozitivno sa ostvarenom dobiti.

**Predsjednik NO gosp. Berbić** je dao na usvajanje Izvještaj o finansijskom poslovanju JU Zavod za bolesti ovisnosti za period 01.01.-31.03.2019.godine.

Svi članovi N.O. su glasali „Za”, te je donesen **Zaključak o izvršenoj analizi Izvještaja o finansijskom poslovanju JU Zavod za bolesti ovisnosti Kantona Sarajevo za period 1.1.-31.3.2019. godinu** u kojem Nadzorni odbor konstatuje da je JU Zavod za bolesti ovisnosti Kantona Sarajevo za period 1.1.-31.3.2019 godine ostvario pozitivan finansijski rezultat, a za to je najveća zasluga menadžmenta, stručnih službi i svih radnika.

### 3.

**Predsjednik N.O. gosp. Berbić** je dao riječ **Ismić Himzi**.

**Ismić Himzo, mr oec.** je istakao da je Zavodu zdravstvenog osiguranja Kantona Sarajevo dostavljen zahtjev za obračun sredstava kod izrade Rebalansa Budžeta za 2019. godinu, a koji nisu bili obuhvaćeni u Finansijskom planu Zavoda zdravstvenog osiguranja Kantona Sarajevo.

**Sastanak završen u 16,15h**

Zapisničar  
**Samira Durak, bclr. kom.**

**Predsjednik Nadzornog odbora**  
**Salih Berbić, dipl.krim.**





Broj protokola:0202-596/19  
Sarajevo, 23.05.2019.

**ZAKLJUČAK**  
**o izvršenoj analizi Izvještaja o finansijskom poslovanju**  
**JU Zavod za bolesti ovisnosti Kantona Sarajevo**  
**za period 01.01.-31.03.2019. godinu**

Finansijski izvještaji za period od 01.01.-31.03.2019.godine predstavljaju zdravstvenoj ustanovi uporedne pokazatelje u odnosu na prethodnu godinu za isti period, a i pokazatelje u odnosu na Finansijski plan za 2019. godinu.

Navedeni izvještaji ne podliježu dostavljanju u Finansijsku informatičku agenciju, ali su dobar pokazatelj ustanovi o kretanjima prihoda i rashoda u navedenom periodu, kako bi na vrijeme mogla reagovati do šestomjesečnog obračuna.

Pored toga, oni su obaveza iz Ugovora sa ZZOKS, pa su i urađeni na obrascima koji su potrebni ZZOKS.

Nakon izlaganja i analitičkog pojašnjenja svih stavki u Finansijskom izvještaju, Nadzorni odbor na 27. Sjednici održanoj 23.05.2019.godine, jednoglasno daje saglasnost na Izvještaj o radu i finansijskom poslovanju JU Zavod za bolesti ovisnosti Kantona Sarajevo, za period I-III 2019. godine u kojem je i ovaj put kao i do sada ostvaren pozitivan rezultat, a za to je najveća zasluga menadžmenta, stručnih službi i svih radnika.

**Predsjednik Nadzornog odbora**  
**Salih Berbić, dipl.krim.**

